



wantok

Niuspepa bilong ol Papua Niugini stret

NESENEL

Vamba 232

Bilong wik i stat long Sarere, 19 Ogas 1978

Prais 10t.



Lukim pes 7

Published by Wantok Publications, P.O. Box 1982, Boroko. Phone: 25.2214. - Printed by Wirui Press, Wewak.
Registered at the General Post Office, Port Moresby, for transmission by post as a Qualified Publication.



Ol nupela stem long raithan bai kamaut long de namba 29 bilong Ogas. Ol i soim sampela kain binatang i save gro insait long solwara bilong PNG. Ol i no gat strong-pela skin olsem kramsel. Ol i save kaikai gras bilong solwara na sampela arapela liklik binatang. Ol i no gat ai. Ol i save pilim olkain samting long tupela kom i stap long het bilong ol. Samting i luk olsem tel bilong ol, em i bilong pulim win, olsem ol pis i save pulim long nek bilong ol.



▲ Poto antap i soim tupela man bilong lain manmeri ol i save wokim olkain danis bilong PNG na soim long ol pipel hia na tu long ol arapela kantri. Nem bilong tupela, Rodney Kove (Noten Provins), na Pengau Nengo (Morobe). Lain bilong ol ya i raun long Hailans na long Morobe na mekim so bilong ol.

Poto daunbilo i soim lain anaunsa bilong PNG i wok long ol program Redio Australia i save salim i kam long PNG olgeta de. Meri i stap long maikrofon em i Mis Kathleen Sakias (Kavieng). Kirap long lephan nabaut long em na yu painim: Mista Peter Dovi (Madang), Mista Gabriel Levalia (Pomio, Is Nu Briten), Mista John Papik (Aitape, Wes Sepik), Mista Warium Benson (Rabaul), Mista Elias Rathley (Kokopo), Mista Pius Bonjui (Is Sepik).

Australian Information Service poto. John McKinnon i kisim.



wantok

National weekly in
Melanesian Pidgin.

Editorial Offices:
P.O. Box 1982
Boroko

Phone: 25.2214
25.2552
Telex: NE 22213

Branch Offices:
Wewak
Phone: 86.2479

Wabag
P.O. Box 111
Phone: 57.1018

Advertising:
In P.N.G.
Penny Donald
Phone: 25.2214

In Australia:
Peter Halse Associates
King York House
32 York Street
Sydney (2000)
Phone: 29.7527
Telex: 21.409

Subscription Rate:
Annual: K8.00.



PAPA I DAI PINIS

Papa bilong klostu wan milion Katolik manmeri bilong Papua Niugini na Solomon Ailan i dai pinis long biktaun Rom long de namba 6 bilong Ogas.

Pop Pol em i papa bilong 800 milion Katolik olgeta. Em i kisim wok pop long yia 1963 na i holim wok i kam inap nau.

Insait long dispela 15 yia i go pinis em i kamap papa tru bilong planti ol kain kain pipel. Em i wanpela pop i wari tru long ol tarangu man: ol man i bagarap long woa, ol man i dai long hangre, ol man i no gat famili moa, ol man i no harim Gutnius bilong Jisas Kraus.

Oltajm oltajm em i tokaut na salim pas i go long ol bikman bilong olgeta gavman long wol. Em i askim ol long lusim pasin pait. Em i askim ol long sindaun isi wantaim ol kantri i stap klostu long ol. Em i askim ol long helpim ol tarangu i stap insait long kantri bilong ol. Em i askim ol long skelim mani long helpim ol rabisman na lusim pasin bilong westim planti mani long baim ol samting bilong pait na bagarapim man. Em yet i go long Yutaiket. Nesens long Amerika na givim dispela tokok long ol. Em i namba wan taim wanpela pop i mekim olsem.

Hia long Papua Niugini yumi no save lukim em iklik, tasol em i mekim bikpela wok long helpim ol Katolik pipel long PNG. Em yet i makim ol 1-pela lokal bisop bilong Katolik Sios. Em yet i makim ol Katolik pipel long sanap strong na putim wan long helpim sios i go het insait long PNG.

Long mun Julai tasol, Minista bilong Foren Afeas, Mista Ebia Olewale, i bin go long Rom. Long dispela taim Pop i no stap long Rom. Em i go iv long ples maunten klostu long Rom. Tasol taim em i harim ol PNG i kam long Rom, em i lusim ples malolo bilong em na i kam bek long Rom long jungim ol. Em i mekim olsem wanpela papa tru. Em i tingim pikinini bilong em na em i kam. Pop i oktok wantaim Minista na grup bilong em inap long 15 minit. Em i askim ol long wok bilong ol Kristen Sios long PNG. Na em i laik save tu olsem vanem ol Kristen Sios i helpim kantri i go het. Bihain em i salim tok amamas na griting an blesim bilong em long yumi olgeta pipel bilong PNG. Ting em i las taim Pop Pol i bin bungim sampela okman bilong wanpela kantri.

Wanpela las wok tru Pop i mekim, em i salim pas i kam long PNG na i makim Pater Raymond Caesar long kamap bisop.

Olgeta Katolik, olgeta Kristen, olgeta pipel bilong PNG i sori tru. Papa i dai pinis. Tasol mipela i no wari. Mipela i save pinis, em i stap nau wantaim bikman long ples bilong em.

NUPELA KAIN SKUL

Kabinet na asembli bilong Is Nu Briten provinsal gavman bai vot long mun Novemba long wanpela nupela aidia bilong skulim ol pikinini bilong ol. Inap long 1983 ol i laik traim wanpela nupela we.

Mista John Ereman, provinsal edukesen inspekta, i bin tok olsem, ol papamama na man bilong politik na man bilong makim ol sios long provins i wanbel long laikim dispela nupela tingting. Ol i no laikim pasin bilong skulim ol pikinini tude long wanem em i save bringim planti wari na trabel long ol famili.

Long dispela nupela pasin, olgeta sumatin bai skul inap long 12 yia stret. Na i no gat dropaut. Na olgeta manki i mas go long skul; sapos nogat, bai ol papamama i kot na inap kalabus.

Namba wan skul ol i laik kolim Skul Daunbilo. Em bai go inap long 2-pela yia na i gat gret wan na tu. Ol manki i gat 5-pela o 6-pela krismas i mas stat long ol dispela skul. Dispela i olsem prep skul bilong bipo.

Orait, olgeta sumatin i winim Skul Daunbilo bai go long Skul Namel. Em i gat 8-pela gret. Skul Namel bai kisim ples bilong komyuniti skul. Wantaim moa olgeta sumatin i winim dispela 8-pela yia skul i mas go moa na kamap long Haiskul. Bai ol i tekewe gret 7 na 8 long haiskul bilong tude na putim insait long dispela Skul Namel.

Orait, Haiskul tru bai gat gret 9, 10, 11, 12. Ol bai tekewe gret 11 na 12 long ol nesanel haiskul na putim long ol provinsal haiskul. Olsem bai no gat wok moa bilong nesanel haiskul long Is Nu Briten, em olsem Kerevat.

Long dispela nupela pasin, bai ol i skelim ol stu-

den tasol long pinis bilong gret 12. Long dispela taim tasol ol bai makim husat inap long go long vokesenel skul na tisa koles na yunivesiti o sampela spesel kain skul. Long dispela taim ol studen i gat 18 yia pinis na i bikpela manmeri.

Ol man i redim dispela nupela pasin bilong skul i save em bai kostim planti mani liklik, tasol ol i ting bai planti gutpela samting tu i kamap long en. Bai no gat planti skulmanki i lusim skul taim ol i yangpela yet. Bai no gat planti yangpela pipel i les pinis long i no inap painim wok na olsem ol i kamap raskol. Na skul inap long 12-pela yia bai givim gutpela save long ol lida bilong taim bihain.

Sapos provinsal gavman bilong Is Nu Briten i vot orait long dispela nupela rot bilong edukesen long hap bilong ol, bai no gat skul liva long ol haiskul bilong ol inap long 5 yia. Na ol sumatin bilong gret 7 i no go long provinsal haiskul. Nogat. Ol i stap long Skul Namel inap ol i winim gret 8. Olsem long yia 1981 tasol bai ol studen i go long gret 9 long ol provinsal haiskul bilong Is Nu Briten. Na long dispela

taim bai ol i samting olsem 3,500 studen.

Long aidia bilong ol manmeri i bin wokim dispela nupela pasin bilong skul, ol tisa na dipatmen bilong gavman i mas wok wantaim long redim olkain wok bilong yusim ol studen i winim ol haiskul.

Na wanpela samting moa. Sapos provinsal kabinet i votim dispela nupela skul aidia, nau tasol ol i mas wok long painim sampela moa tisa long bosim gret 7 long yia 1979. Na ol i ting ol dispela tisa i mas go kisim spesel trening long taim bilong krismas holidi, bai ol i redi long tis long nupela yia.

Ol pipel i laik traim dispela nupela we bilong skulim ol yangpela pipel, long wanem ol i pilim olsem: pasin bilong skul bilong tude i kamapim planti trabel na wari. Tude planti sumatin tumas i raus long skul o lusim skul namel long gret 6 na 10. Ol dispela i no inap olgeta long painim wok, na ol i no laik moa long sindaun long ples. Na tu long dispela nupela kain skul, ol i ken wokim strongpela lo i tok, olgeta yangpela boi na meri i mas stap long skul inap long 12-pela yia.

NUPELA WE BILONG HELPIM OL VILES

Long 26 Jun, gavman i bin tekewe wok bilong Viles Ekonomik Development Fan long han bilong Dipatmen bilong Fainens na i putim long han bilong Dipatmen bilong Bisnis Development. Em i dipatmen bilong Minista, Mista Pita Lus.

Dispela nupela bosman bilong Fan i bin promis olsem: insait long wan mun bihain long Provinsal Komiti i bin tok orait long wanpela wok na ol i bin mekim eplikesen bilong kisim mani, bai ol i kisim tru.

Ol Provinsal Komiti i inap long tok orait long olgeta eplikesen i go inap long K10,00 (ten tausen kina). Sapos wanpela grup

o wok i laik askim long moa yet, ol i mas aplai long Nesanel Seketeriet.

Dispela Nesanel Seketeriet bilong bosim Fan i mas kibung olgeta mun.

Minista bilong Bisnis Development, em Mista Pita Lus, i gat pawa long givim tok orait long olgeta presen i antap long K10,000 na i go inap long K50,000.

Long dispela yia 1978 ol i bin makim K20,000 olsem presen mani em wan wan provins inap kisim. Long 1979 bai ol i apim dispela inap long K60,000 long wan wan provins.

Development Fan em i bilong helpim ol ples na hap i no bin go het gut yet, bai ol i ken statim sampela wok bilong ol. Em bai helpim wanpela grup o lain i go moa long pes 6

PAS I KAM LONG OL PIPEL

SUSA BILONG YU, LAKA?

Dia Edita - Hia mi laik autim sampela pasin i rong o nogut i go long ol wantok ya i kam kisim blok long Moresby. Ol dispela man save salim meri bilong ol olsem susa bilong ol na taim nait ol save slip wantaim ol. Taim bilong san ol save salim ol long as bilong kumurere. Em wanem kain pasin?

Ol nambis man no save mekim olsem. Ating ol hailans ol olsem dok tru ya. Sapos i gutpela long man i wok mani na tupela i stap stret long haus bilong ol. Na watpo ol save salim meri. Ating ol no pilim liklik long skin bilong ol.

Em tasol sapos yu husat wantok laik skruim pas bilong mi. Plis sutim pas i go long Wantok Niuspepa. Na bai mi save.

Thomas Kuno,
Tokarara/Port Moresby.

MI TRAIM PINIS

Dia Edita - Nau mi gat wanpela wari na mi autim wari bilong mi. Wari bilong mi i go olsem. Longpela taim mi save dring bia na mi save spak nogut tru. Na nau mi lusim pinis bia. Olsem mi raitim dispela tingting bilong mi na yupela i ken lukim.

Mi lukim insait long Wantok na Enga Nius olsem planti man i toktok long ol man i dring bia na spak. Ol i tok long spakman i no lukautim meri, pikinini bilong em. Na tu yupela i toktok planti long klos bilong brata bilong yu. Brata em i no stret long ai bilong mi. Long wanem yupela i stori tumas long plet, kap, na trausis samting bilong wantok na kristen brata bilong yu. Mi pilim em i tok baksait tasol. Yu ken tingim 10-pela lo bilong God.

Sapos yu i gat Nupela Testamen Baibel. Yu ken opim na kisim Matyu, 7:1-7:1-2. Yu no ken autim tok long ol man na skelim ol olsem Jas. Long taim spakman i pikinini yet, dispela taim papa bilong em i save skulim em pinis. Na

nau em i man pinis na nau em i gat save long we em i save lukautim meri, pikinini bilong em yet. God papa i givim gutpela save na tingting long yu wan wan.

Man i gat save i mas tingim wanem taim em i save kisim mani long fotnait. Na tu em i save kisim kai-kai long gaden o em i save kisim kaikai long mani tasol. Em i samting bilong em tasol. Sapos yu traim long tokim em long lusim bia, bai em inap senisim tingting na pasin bilong en wantaim. Em i no pik na dok. Em i wanpela man i mekim. Em inap pilim sem na em inap lukim dispela pasin.

Mi lukim adres bilong ol man i rait i go long Enga Nius na Wantok Niuspepa. Mi lukim planti bilong ol Luteran na Katolik i mekim planti toktok long dring na spak. Yu no ken sutim tok long brata bilong yu. Yu spakman tu.

Brata yu no ken klinim pipia i stap long ai bilong yu pastaim. Na bihain yu klinim ai bilong poroman bilong yu. Yu ken kisim baibel na lukim long Luk 6:41-42. Brata yu mas tingim na raitim gen. Em tasol long wari bilong mi. Sapos yu laik bekim o skruim long dispela tok orait, rait tasol long Wantok Niuspepa. Na mi ken lukim. Em tasol. Tenkyu.

Mista Stephen K.,
Wabag/Enga

TRIK BILONG OL

Dia Edita - I tambu long man bilong narapela provins i no ken wokim p.m.v. bisnis long provins. Tasol mi save lukim planti man Niugini save baim ka na bihain ol i go askim pren bilong ol, ol papua na ol i go long ol man bilong bosim p.m.v. Na ol i tok giaman olsem ol i baim ka na ol i laik kisim p.m.v. namba na putim long ka.

Tasol em i no ka bilong em. Nogat. Em ka bilong ol Niugini na long Sentral Provins. Yu ken lukim nem bilong ol Papua i stap long ka. Na yu ting ka bilong ol Papua pipel. Nogat tru. Em ka bilong ol Niugini tasol nem bilong

Papua i stap. Long wanem em i kisim p.m.v. namba na putim long ka.

Ating ol man bilong bosim ol p.m.v. mas lukluk gut long ol Papua na Niugini long dispela tingting bilong mi. Em tasol.

Salome Green,
Boroko.

Salim ol pas
i kam long:
WANTOK
BOX 1982
BOROKO

GOD I NO STAP LONG HAUS LOTU TASOL

Dia Edita - Mi laik yupela givim liklik spes long mi long bekim pas bilong wanpela brata ya nem bilong em Samyuel Sengi, Erave/S.H.P. Yes brata, husat i givim nem Samyuel long yu. Mi ting tewel bilong bus i givim dispela nem long yu. Olsem yu i no laik long ol misineri, pasta na katekis i autim tok long maket.

Bilong wanem yu mekim dispela kain tok. Ating yu wanpela longlong man stret. Brata mi tokim yu.

Yu i no ken kisim nem Samyuel. Nogut yu giamanim nem bilong ol santu. Yu mas kisim nem bilong seren o tewel bilong bus em i orait long dispela nem bai yu i ken mekim dispela kain tok.

Brata mi ting yu i no bin go long wanpela lotu na bai yu i ken harim tok bilong buk baibel. Husat pasta o misin i autim. Na tu yu i nogut Baibel long haus bilong yu mi ting olsem. Plis brata yu i ken taim wanpela Buk Baibel na yu i ken ritim bai yu inap kisim save long tok bilong God i mobeta.

Yes brata buk baibel i tok wanem long yu. Em i tok God i stap long haus lotu tasol o long olgeta hap? Mi ting God i stap long olgeta hap long bus long maunten na insait long wara. Na tu long nait na san. Olsem God i lukim samting long ples hait na ples klia.

Sapos God i stap long haus lotu tasol olsem wanem bai yumi inap save long tok bilong God. Tok bilong God i go long olgeta hap bilong graun na i kam inap long yumi PNG.

God i stap long haus lotu em bai i stap long kantri Juda tasol na i no inap go long olgeta hap bilong graun. Mi laik bai yu i ken ritim dispela Baibel ves, Aposel sampta 1-8 na 1 Korin 14:3. Olsem buk baibel i tok yu mas autim tok bilong mi long ples maket. Ples bung ba ples singsing na kain kain ples God i laik yu i ken autim tok bilong em na witnes long ol arapela manmeri long tok bilong em.

Sapos yu belhat, orait yu i ken rait i kam long Wantok niuspepa bai mi ken lukim. Em tasol. Tenkyu.

Canisius Kusar Boski,
C.M. Yemnu/W.S.P.

PAIT LONG ENGA

Dia Edita - Wanpela pasin nogut bilong Enga i olsem. Mi lukim pasin bilong ol i no stret long ai bilong mi. Ol i pait long samting i no gat as tru bilong en. Tasol pait long graun em i planti taim.

Sapos gavman i no harim ripot bilong man bai i no inap pait i kirap. Mi harim ol man bilong Enga ol i tok olsem. Gavman i harim gut ripot na em i kisim graun bilong dispela lain man na em i givim birua bilong en pinis. Na yumi ken bihainim dispela pasin yumi ken kot long graun bilong yumi long bipo birua bilong yumi i bin winim pait na kisim. Yumi ripot pastaim long gavman.

Na bihain yumi ken kauntim na kot long pablik ples long graun bilong yumi. Ol i tok olsem na pastaim ol i ripot na

baut olsem. Ai, bilong r lukim na em i no stret. Ting olsem, sapos wanpe lain man i mekim rip nabaut olsem orait gavman i ken kisim graun bilong dispela lain man. Na givi long narapela lain man stap nating bai em i orait

Sapos wanpela man sapatim tok bilong mi sapos yu tok baksait lo mi, orait rait tasol lo: Wantok Niuspepa. Na i ken luksave long en. E tasol.

Marukaii Rasa
Wabag/En

OLGETA TAUN

Dia Edita - Mi laik sapatim pas bilong wantok Samuel Sengi bilong Era long Saten Hailans, 15 J lai 1978. Yes wantok i long Saten Hailans tas Nogat. Mi bin lukim dispela pasin i stap lo Madang. Sampela misir no save lotu stret lo haus lotu, nogat; ol i se lotu long ples bilong bu o long maket. Em i no g pela tumas.

Long wanem maket er ples bilong planti nois planti ka i save i go i ka na mekim planti nois. I yumi no inap harim tok sem. Tok bilong God i samting nating. Nogat. Sapos yumi laik lotu lo God, orait yumi mas k long haus lotu bilong G stret. Nogut yumi p long God.

Tok bilong God i samting bilong pilai ols futbol o bosim bai yu pilai pilai long tok bilong God long ples bung.

Em tasol yu husat mi i wokim dispela pas orait traim na wokim h lotu bilong yu hariap. Sapos yu no gat haus lo Plis tok bilong God i samting bilong pilai.

Paul Wambe
Mada

WINIM MANI ISI TUMAS


PAINIM NA KISIM OLPELA TAIA I KAM
MIPELA DUNLOP I SAVE BAIM

DUNLOP
LAE: Aircorps Rot - klostu long maket

OL WES SEPIK MAS RITIM

Nesenei Gavman i makim pinis dispela mani long yia 1978 bilong ol dispela samting long WES SEPIK PROVINS

HUSAT BOSIM	BILONG DISPELA WOK	HAMAS
P.C.C.	Rot - Lumi - Aitape	75,000
Vanimo LGC	Rot - Vanimo - Ningera	12,000
Siau LGC	Klasrum - Sissano	3,000
OIC Oksapmin	Rot - Oksapmin - Kopiago	10,000
Walsa LGC	Rot - Wasengla - Omol - Namola	2,000
Bewani LGC	Rot Culverting - Ossima	7,013
Nuku LGC	Rot - Namblo - Yamut	10,000
Wapei LGC	Rot Stes 2 - Mokai - Kabori	6,000
Telefomin DOIC	Rot - Ankevip - Sepik Wara	1,450
Nuku LGC	Rot - Boine - Wimbe	5,000
Wapei LGC	Rot - Yemmu - Weikint	6,000
Siau LGC	Haus Tisa - Yak	3,000
Telefomin LGC	Rot Stes 2 - Telefomin - Eliptamin	7,500
Siau LGC	Rot - Aiserap	
Amanab LGC	Motobaik Trak - Dera	2,800
Bewani LGC	Rot Stes 1 - Skatiato	5,200
Oksapmin OIC	Rot - Oksapmin - Sanapit	2,100
Oksapmin OIC	Rot - Betiana - Mitigana	2,100
Wapei LGC	Rot - Lumi - Edwaki	10,500
Walsa LGC	Purchase Tractor	7,000
Siau LGC	Klasrum - Warapu	3,000
Nuku LGC	Rot - Libuat - Sabig	2,000
Nuku LGC	Rot - N.E. Palei - Loop	4,500
Walsa LGC	Mambu Wara - Unit 5	2,500
Bewani LGC	Mambu Wara - Unit 3	900
Green River	Paip Wara Unit 3	1,500
Telefomin DOIC	Paip Wara Unit 1	1,200
Oksapmin OIC	Paip Wara Unit 2	2,000
Vanimo LGC	Paip Wara Unit 1	600
Siau LGC	Paip Wara Unit 17	3,500
Nuku LGC	Paipa Wara Unit 15	3,750
Wapei LGC	Paip Wara Unit 10	5,000
Telefomin LGC	Paip Wara Unit 2	2,400
Telefomin LGC	Rot - Telefomin - Feramin	7,500
Green River LGC	Rot - Green River - laburu	2,000
Telefomin LGC	Ples Pilai - Yapsiei	750
Telefomin LGC	Ples Pilai - Mainmin	750
Vanimo DOIC	Rot - Waterstone - Keisa	3,000
Siau LGC	Klasrum - Pes	3,000
Nuku LGC	Rot - Yiminum - Warasai	6,500
Siau LGC	Rot - Yiji - Eikil	1,600
Wapei LGC	Rot - Ningil - Yuwil	4,000
Siau LGC	Klasrum - Arop	3,000
Siau LGC	Baim drai Na CKakau	600
Amanab LGC	Rot - Amanab - Bapi	1,500
Wapei LGC	5 Et Pos	4,500
Siau LGC	Rot - Wauningi - Lapai	3,000
Nuku LGC	Komyuniti Senta	3,500
OIC - Edwaki	Rot - Edwaki - Lumi	10,000
Oksapmin OIC	Airstip - Bim	2,000
Oksapmin OIC	Dabol Klasrum	8,000
Siau LGC	Et Pos - Rome	2,500
Siau LGC	Et Pos - Amusuku	2,500
Telefomin DOIC	Ples Pilai - Eleptamin Skul	900
Telefomin LGC	Rot - Telefomin - Maran River	4,992
Telefomin LGC	Rot - Sepkialikimin	6,560
Eria Atoriti	Bilong fiksिम ol masin	32,978
Eria Atoriti	Ol bosman	14,657
	Olgeta	349,800



WESTEN HAILANS

EGRIKALSA KIBUNG

Long 9 Jun i go inap 15 Julai, Mista Nathaniel Paya, namba tu het tisa bilong Luteran Egrikalsa Koles long Banz, i bin stap insait long wanpela bikpela kibung. Dispela kibung bilong wok egrikalsa i bin kamap long Herrsching Skul, klostu long biksiti Muchen insait long kantri Jemani.

Bikpela skul bilong wok egrikalsa long Jemani yet i bin go pas long dispela kibung. Em long helpim bilong Yunaitet Nesen


MADANG

WARA SAPLAI

Esia Developmen Beng i givim pinis K3 milien (K3,000,000) kina long wokim wara saplai bilong Madang taun. Inap nau Madang i no gat gutpela wara saplai na long taim bilong san ol pipel i bagarap stret long wara.

Madang i gat 22,500 pipel na dispela nupela wara saplai bai i helpim tru ol pipel. Ol bikman i tok bai wara saplai i pinis long mun Desemba long yia 1981.

Ol bai kisim wara insait long graun tasol. Ol kampani bai wokim 6-pela hul wara namei long Sisiak na Gum Riva. Ol dispela hul wara bai i go daunbilu tru. Samting olsem 70 mita. Dispela emi klostu long mak bilong wanpela ples kik.



Federal Ministri ov Fud, Agrikalsa na Forestri, na tu Bavarian Stet Ministri Ogenaisesen.

I bin i gat 48 kantri i stap insait long dispela kibung. Ol lida bilong bikpela skul bilong wok Egrikalsa yet i bin go pas long dispela miting. Ol lain lida ya i gat save tru long wok egrikalsa inap planti yia i go pinis.

Ol i bin holim dispela kibung, long wanem, ol i laik toktok long sampela nupela aidia na we bilong trenim na givim save long wok bilong egrikalsa. Na tu ol lida i go pas long dispela miting, i bin soim sampela aidia em ol i bin painimaut long Jemani yet.

Long dispela bikpela kibung, namba wan toktok em ol i bin toktok long en, em save bilong ol man i lida long wok egrikalsa wantaim ol ayngpela man-meri.

Mista Poya i bilong Kauwo viles long hap bilong Saten Hailans Provins.

NAU!

Nupela Kodak

Colorburst

kala kamera.

Nau em i isi tru long kisim kala poto, insait long haus o ausait. wantaim lait i pairap. o lait nating bilong san. Yu holim kamera tasol. na Colorburst kamera bilong yu i givim yu wanpela naispela kala poto insait long sampela minit tasol. I gat spesel film i pas stret long dispela kamera, nem bilong em: Kodak PR10 Instant Print Film.

Kodak Colorburst cameras feature:

- Adjustable focus control with special 'zooming circle', focusing symbols, and distance scale
 - Electronic shutter — 1/3000 sec. to 1/20 sec.
 - Eyecup on viewfinder
 - Flash socket • Tripod socket
 - Automatic motor-driven print ejection
 - Red low-light signal warns you when to use flash
 - Lighten/darken print control • Exposure counter • Neckstrap and monograms • Kodak 3 year warranty.
- See your photo dealer for a free demonstration. *Suggested retail price.



New Kodak Instant Cameras and Film.

Kodak (Australasia) Pty. Ltd.

Kodak, 'Colorburst' and 'Satinlux' are trademarks.

NUPELA HE LONG
HELPIM OL VILES

i kam long pes 3

long ol taun sapos em ken soim, ol winmani b long dispela wok long tau bai go bek long wanpel lain pipel long ples.

Fan bai givim K40 b long olgeta (em i 40 peser bilong statim wanpela bi nis o wok. Arapela mani mas kam long grup yet long wanpela beng.


Bipo ol i ken aplai lor kisim presen, wanpela lai saveman i mas glasim gu tru olgeta tingting dispei grup i gat long ranim di pela wok o bisnis, bai ol ken save, ating em inap g het gut o nogat.

Sapos gavman i lukir Developmen Beng i to orait pinis long wanpel wok o bisnis i ken go he: em i save pinis, ol i bi glasim gut. Na i no ga wari.

As tingting bilong disp la wok em i long plan fan wantaim i mas bur na mekim wok, na plan man i mas kisim winmar long en. Sapos wan wa man, o liklik grup pipel t: sol i save kisim winmar long wanpela bisnis, gav man i no laik helpim disp la wok wantaim presen b long Viles Ekonomi Developmen Fan.

Fan i laik helpim smolpela grup tru, em kai i no gat moa long l memba long en. Na sapos ol lokal pipel i bung wai taim sampela ausaitma long statim kampani, orai lain bilong arapela kantri no ken holim moa olser 26% bilong olgeta sea lor kampani. Em i min - 26 b long 100 sea.

TAMBU TORO







PES BILONG OL MERI

WOKIM DRES BILONG YU



1. Baim meterial, longpela bilong em (3½) 3 na hap yad. Sais bilong em 36 inses.
2. Brukim long namel na katim hul bilong nek long sais bilong yu olsem long piksa Namba 2.
3. Samapim tupela sait, longwe liklik long skin. Olsem long piksa namba 3.
4. Brukim liklik long arere na samapim. Olsem bai meterial i stret na no ken lus o bruk. Lukim piksa 4.



EM GUTPELA KAIKAI




SOLPIS WANTAIM RAIS

Yu mas bungim:
Sampela solpis
Sampela rais
Sampela wara.

Yu mekim olsem:

Wasim rais na putim insait long sospen wantaim sampela wara. Katim solpis na putim insait wantaim rais. Orait, nau yu boilim rais inap em i tan. Em tasol. Lukaut: yu no ken putim sampela sol long rais. Em i kisim inap sol long pis.



PREN BILONG YU INAP OLTAIM

BEKIM TOK BILONG MINISTA



Dia Wantok,

Hia nau mi laik autim sampela wari bilong mi i go long Wantok Niuspepa. Wari bilong mi i go olsem long Wantok Niuspepa, namba 227. Em Minista bilong bosim ol bus na wa wara, Mista Steohen Tago, i tok PNG i no gat planti bus na wara. Olsem na em i tok bai rausim bol bilong ol papa na pasim bel bilong ol mama.

Yes tok bilong yu, em i tru. Tasol tingim bol em i

no samting papa tumbuna bilong yu i wokim. Em samting papa God i wokim na tu em i no samting bilong pilai long en. Sapos yu laik mekim olsem, orait katim bol bilong yu yet pastaim o bilong ol minista i orait. Mipela ol narapela man nating i ken lukim na bihainim.

Em tasol na yu husat laik joinim tingting bilong mi long dispela pas bilong mi, orait, rait tasol i go long Wantok Niuspepa.

Bill Ramu,
Wewak.

Dia Wantok,

Nau mi laik bekim dispela 3-pela askim bilong yu long Famili Plening long Wantok Niuspepa namba 227 bilong 15 Julai 1978.

Namba wan askim - Wari bilong gavman i no stret. Bikos Papua Niugini i no pulap long ol manmeri. Yumi i no olsem Saina o Pakistan, na ol arapela kantri i gat planti milien pipel. Yumi gat 3 milien, em i no pipel. Bikos sik i wok long bagarapim sampela na pait na namba i wok long go daun.

Ating gavman i no mas toktok long dispela planti pikinini. Nogat. Em i tok tok long man i laik spak na i no lukautim ol pikinini gut. Em i as bilong trabel.

Namba tu - Mi laik planti pikinini bikos God yet i givim mi na mi bilong lukautim. Bihain planti i kamap sampela i ken kamap Pater, Sister, Bruder, na Bisop. Na ol i ken

mekim wok bilong God na Gavman.

Namba tri - Mi no laikim ol mama i pasim rot bilong karim pikinini. Mi no laik ol dokta i givim masin o katim rot bilong pikinini samting. Sapos papamama i no laikim planti pikinini, ol i ken yusim rot bilong Famili Plening i soim long em.

Em tasol na mi laikim yu ken prinim long Wantok tu na ol arapela i ken helpim mi na strong long dispela tok plis.

Charles Wapa, OFm Cap.
Kagua/S.H.P.

Dia Wantok,

Mi laik yu givim liklik spes long mi long raitim sampela wari bilong mi. Long Wantok Niuspepa bilong 15 Julai 1978, mi lukim ol gavman i askim ol pipel long stapim bel bilong ol mama long karim planti pikinini. Em i tru yupela ken stopim.

Tasol yupela tok long

katim bol bilong papa em i no stret. Em i no pik bi o bulmakau bilong yupela long rausim bol. Man, wanem kantri olsem save rausim bol bilong ol papa. Yupela ken raitim long Wantok Niuspepa na mi ken lukim. Na yupela gavman bilong PNG.


Yupela laik mekim nupela samting long rausim bol bilong papa. Em i no stret long yupela na wanpela samting, taim yu rausim bol bilong pik man na lukautim long en, yu lukim em save bihain em i no ken pilai wantaim pik meri.

Na yupela ken stopim mama long karim pikinini. Tupela marit i ken karim tupela pikinini. Wanpela man na wanpela meri. Em i stap inap em senisim ples bilong tupela. Na gavman i mas stopim bel bilong ol mama.

Em tasol wari bilong mi.
Mewni Amibi
Kainantu/Isten Hailans


Aveling Barford Pacific Pty. Ltd. Representing the world's leading automotive manufacturers.

Ume St. Gordon, Port Moresby. Phone 257166, 257908
Morobe Ave. Lae. Phone 424188, Mt. Hagen. Phone 521015
Stones Automotive Services, Kieta. Phone 956093
Maiguna Motors, Rabaul. Phone 921751



NACHI

Bearings—automotive industrial machinery. Roller, ball, taper bearings.
Extra small radial ball bearings.
Single row deep-groove ball bearings.
Double-row self-aligning ball bearings.
Tapered roller-bearings.
Cylindrical roller-bearings.



RYCO-FLEX

Hydraulic hose, assemblies,
couplings, adaptors.



Maxell Helps



Maxell bateri i stap long olgeta hap.
Taim yu go long stua yu mas askim long Maxell tasol.
Maxell i no inap pinis kwik. Em bai i stap longtaim tru
...Maxell


Get Longlife – Get Maxell



GSHM03



▲ Poto antap i soim Pop Pol taim em i kam lukim Australia. Long dispela taim em i givim ordo bisop long Bisop Louie Vangeke.




▲ Ol i mekim misa long Sen Pita, haus lotu bilong Pop.

PO

Long Sarere, 12 Ogas, ol lotu bilong em Sen Pita, lon na fifti tausen) pipel i lukim

Long 25 Ogas, bai ol Kadinat gat 118 Kadinal bai i bung Taim ol i go insait long kibun inap ol i makim nupela Pop. kadinal i putim laik long war pela pop bai em i kjsim hat taim bilong misa long Sen Pit.





POL

pinis Pop long bikpela haus
Moa long 250,000 (tu handet
ong planim Pop.

ng long makim nupela Pop. I
om long makim nupela pop.
ol, ol i no inap lusim kibung
is vot inap long taim i gat 79
m. Taim ol i makim pinis nu-
Pop long Sande, bihain long

►
*Sen Pita haus
lotu. Ol i planim
Pop Pol hia.*




Ol Kadinal i bung nau
long Rom. Yumi tingting
planti nau, husat bai kam-
ap nupela Pop. Dispela
samting em i samting bi-
long kibung bilong ol dis-
pela Kadinal. Tasol nogut
yu ting ol Kadinal tasol
inap kisim wok pop. No-
gat. Wampela bisop, olsem
bisop yu lukim long poto
hia, em inap kisim wok bi-
long Pop. Em i samting bi-
long vot bilong dispela ki-
bung tasol.

Planti man i ting bai
wampela Kadinal long dis-
pela lain hia bai kisim wok
pop: Kadinal Hume bilong
Englan, Kadinal Cautin bi-
long Afrika, Kadinal Felici
bilong Itali, Kadinal Bellini
bilong Itali.

*Poto i soim Asbisop
Helder Camara bilong
Recife, Brazil long Saut
Amerika.*





DEMDEM BAGARAPIM GADEN

Poto antap i soim wanpela demdem. Dispela kain demdem i save bagarapim planti ol gaden bilong ol pipel insait long PNG. Planti papa bilong gaden i

kros moa long en nau i laik pinisim ol tru.

Sapos yu laik pinisim ol demdem long gaden yu mas kamap long gaden bilong yu long tulait. Tulait

long bik moning tru em i taim bilong ol. Yu kamap pinis long gaden yu mas salim ol pikinini bilong yu i go holim demdem na putim long wanpela baket o tin. Tin pipulap orait putim wara long tin na boilim ol inap ol i kuk tru. Taim yu laik kukim yu mas putim sampela sol wantaim. Dispela sol bai i kilim kiau bilong demdem na pinisim ol demdem. Yu no wari sapos demdem i no dai olgeta.

Tasol yu no ken hamarim demdem long hap plang o diwai samting. Sapos yu hamarim yu no inap kilim tru. Ol kiau i go ausait na demdem i go bikpela moa long ples bilong yu. Long dispela tasol demdem i no bikpela long planti ples. Kukim tasol long wara na sol. Dispela we bai pinisim ol.

PRE BILONG MAN I NO GAT WOK

Plis God, mi no gat wok. Mi sindaun nating long haus bilong wantok. Em i lukautim mi long mani na kaikai bilong em. Mi pilim, em i no stret. Plis, helpim mi long painim wok.


Mi no gat gutpela bilas. Mi no inap salim mani i go long ples long ol famili bilong mi. Mi no inap baim takis bilong kaunsil. Plis God, helpim mi long painim gutpela wok.

Planti taim mi go askim long wok, tasol nogat. Ples i pulap long ol. Na olsem mi tingting planti. Mi lukim planti man i no gat wok na ol i stil na mekim trabel. Mi laik painim wok na sindaun gut.

God mi sem tumas. Mi no inap long baim presen long ol wantok. Mi no inap givim liklik pati long ol. Ol narapela man i tok: sapos yu man tru, bilong wanem yu no kisim wok.

Yes, God, mi no gat wok. Mi no gat mani. Mi rabis. Tasol nogut mi bikhet. Wanpela samting mi gat; yu stap wantaim mi. Yu save helpim ol pikinini bilong yu. Na olsem, mi ken traim tru long painim wok. Yu God bilong mi. Mi hepi long yu.

Laik baim Kapa? Askim ol long Zincalume Kapa tasol!



**Zincalume em i wanpela kain kapa i no save ros o bagarup kwik.
Sapos yu laik wokim haus askim ol long dispela
kain kapa tasol.**

 **John Lysaght (PNG) Pty Limited**

LAE: P.O. Box 872, Tel. 421866 PORT MORESBY: P.O. Box 5978, Boroko Tel 253119 RABAU: P.O. Box 62, Tel 921044

GSL02

Asua bilong mama

Long bipo, bipo tru tupela manmeri i stap. Na tupela i gat wanpela pikinini man. Na dispela pikinini i kamap bikpela pinis na em yet i save wokabaut.

Na papa bilong em i wok liklik banara na i givim em bilong em i pilai pilai long en. Orait wanpela de ol i go long nupela gaden yam bilong ol, bilong klinim na stretim na sanapim stik bilong rop bilong yam i bihainim stik i go antap.

Na tupela papamama i wok long klinim gaden i stap na pikinini i go na sutim ol kru bilong yam long banara na ol kru bilong yam i bruk na pundaun nabaut, orait em i lap bikmaus na amamas nogut tru. Em i mekim olsem yet i stap na mama bilong em i ting, em i pilai nabaut na em i lap i stap. Na em i gohet yet long klinim gras long yam i stap.

Papa bilong em i kirap na lukluk long pikinini bilong em, man, man, ol kru bilong yam i no isi long slip nabaut long graun. Em i tokim meri bilong em, lukim pikinini bilong yu, em i klinim gras na em i winim mitupela tru. (Em i tok bokis long meri) na meri i ting tru na em i kirap lukluk ya no, kru bilong yam i bagarap pinis na slip nambaut long graun.

Pikinini i ting tupela i no

lukim mi, na em i gohet yet long sutim kru bilong yam na bikmaus na lap na amamas nogut tru i stap. Mama bilong em i kirap na bikmaus tru long em na i paitim em nogut tru, em i tanim gen krosim man bilong em i spik. Yu tasol, asua bilong yu tasol, yu yet wokim banara na givim em orait em i bagarapim kru bilong yam. Na yutupela i no inap kaikai. Bai mi no ken kukim kaikai bilong yutupela.

Painim bilong yutupela long gaden bilong yutupela yet na kukim orait kaikai. Em i krosim tupela pinis em i go long haus na em i kukim kaikai bilong em yet pinis na em i kaikai.

Orait papa i singautim pikinini bilong em na i tokim em. Mama i krosim mitupela ya olsem na mipela i no ken i go long haus, bai mipela mas i go long wanpela hap i no gat man i stap long en.

Orait pikinini i harim tok bilong papa bilong em na tupela i stat wokabaut i go long bikbus tru.

Mama i wet i go apinun tru, em i lukim tupela i no kam kwik long haus. Em i go long gaden yam gen na i singautim tupela. Tasol tupela i no stap. Mama i singaut strong tru na kolim nem bilong tupela, tasol tupela i go longwe yet. Em i lukluk long mak bilong lek bilong tupela. Em i lukim tupela i go long bus



na em i bihainim tupela i go, em i go yet na i tudak pinis, em i singaut long tupela tasol tupela i no bekim maus bilong em. Tupela i harim pinis tasol tupela i no bekim.

Tupela i harim em i kam klostu liklik na papa i tokim pikinini, mama bilong


yu i kam klostu nau olsem na yu tanim na kamap diwai, na mi yet mi tanim kamap snek na i go long hul bilong ston. Tupela i toktok i stap na mama i kam klostu tru, orait pikinini i tanim kamap diwai na i stap na papa i kamap snek na i ranawe i go long hul bilong ston.

Orait, mama i kam painim tupela nogat, nau em i stat long krai long tupela. Em i no inap painim tupela moa. Nogat. Olsem na em i slip long aninit long dispela diwai inap tulait em i go long ples bilong em.

Dopenu Sawiembe,
L.C. Boana.

TULTUL TITAN

GUTPELA TINTING BILONG YU NA YU SINGAUTIM MI NA MISIS BILONG MI EIASI LONG I KAM, LONG SOIM YU STRONGPELA KAIN BANIS. YU SANAPIM POS PINIS. NAU YU MAS KISIM STRONGPELA ARC-TITAN HINGE JOIN O PIG WAIA WANTAIM BAB WAIA NA PULIM TAITIM WAIA NA KISIM ARC-TITAN HUK NIL NA NILIM WAIA LONG POS. BAI BANIS STRONG MOA. OL PIK INO FIT LONG BRUKIM.



TENKYU LONG TOKSAVE BILONG YU TITAN.....

AYO AWIO... BAI YU GAT BIKPELAGADEN TRU YA....

ARC-TITAN Pty. Ltd. P.O. Box 1026, LAE. Tel. 42.3988.

Dispela haus bai stap olsem tasol inap planti yia moa, long wanem, ol anis i no inap kaikai Hardiflex faibro.

Hardiflex simen faibro i no save krungut, i no save sting, na i no save bruk isi, na yu no mas pentim.

Hardiflex faibro em i isi long yusim, i luk nais, na i no kostim planti mani. Em i samting tru bilong wokim olkain gutpela haus long Papua Niugini.



JH **HARDIFLEX**
building board.

Burns Philp (NG) Ltd. All Branches Steamships Trading Co. Ltd. All Branches Carpenters Hardware, Port Moresby New Guinea Co. Ltd. All Branches Gabriel Chow Sing Yip & Co. Rabaul. Bowmans (PNG) Pty. Ltd. Port Moresby & Lae. Bowmans Bodeco—Kieta



Arawa Technical College,
P.O. Box 85,
Arawa. N.S.P.

Mista Michael Aigal
Mista Taranga Taipan
Mista Stanley Bomanus
Mista Lelesi Orovea
Mista Aisak Ravin
Mista William Tobin
Mista Andrew Philip
Mista Teosin Theodore
Mista Ray Mitton
Mista Silvester Tudina

Summer Institute of Linguistic
Members' Store,
P.O. Box 396,
Ukarumpa, E.H.P.

Mista Kesie Dickson (19)
Mista Meton Kasen (18)
Mista Mainia Tao (17)
Mista Karu Kaba (14)

Arawa
Box 304
Bougainville
N.S.P.

Mista John Raka (20)
Leo Kurigi (17)
Naitane Kaki (14)
Feret Nekuli (12)

Panguna
Box 280
Bougainville
N.S.P.

Mista Paius Daeao (17)
Mista Mek Kun (12)
Mista Nikulas Kudalimi (17)
Mista Patrick Younghary (18)
Young Younghary (15)
Mista Paul Depo (12)

Kagamuka Boys Vokesenel
Trening Senta
Box 35
Mt. Hagen.

Mista Peter Waken (15)
Mista Otto Nathan (15)
Mista Tokau Kenefi (14)
Mista Pate Aruma (13)
Mista Kutno (17)
Mista Ambia Sae (16)

Baiyer River
National Park Board
Box 490
Mt. Hagen.

Mista Jacob Gawi (18)
Mista William Ase (16)
Mista Noki Oyia (17)
Mista Aimaki (17)

EVINRUDE

NAMBAWAN AUTOBOT MOTO

6H.P 15H.P 25H.P 35H.P

PLANTI SPEA PAT I STAP

PRAIS I DAUNBILO NAU

BAIM TUDE LONG

BOROKO MOTORS

And Subdealers



SNEK KAIKAIM MAN



Sapos snek i gat pait i kaikaim man, em inap dai hariap tru. Olsem yu mas lukim gut tru ol dispela lo i stap hia.

- (1) Sapos ol i kilim snek pinis, bringim snek tu i kam bai dokta i ken lukim na save long kain bilong em.
- (2) **YU NO KEN KATIM PLES SNEK I KAIKAIM MAN.** Dispela pasin i no save helpim man.
- (3) Kwiktaim yu mas pasim rot bilong blut long han o lek wantaim hankisip o hap gumi samting. Pasim blut long hap antap long han o lek. Na olgeta 20 minit lusim gen inap liklik taim, na bihain pasim bek. Bihain long 2 aua yu ken rausim olgeta.
- (4) Namba wan samting: sikman i no ken wokabaut o ran. Em i man slip i stap. Na ol manmeri i mas karim em i go long et pos o klinik samting. Bikpela lo: blut bilong em i no ken ran hariap.
- (5) Slipim sikman long bel bilong em olsem man i hap dai. Pasim hap plang long lek o han, olsem sapos em i bruk, na karim sikman i go. Sapos yu lukim em i hatwok long pulim win o em i no inap pulim win olgeta, orait, yu winim win i go insait long maus bilong em.

Sampela taim man i ting tasol snek i bin kaikaim em, long wanem em i krun-gutim snek. Na planti snek tu i no gat pait. Ol snek nogut tru tru, em ol snek i save wokabaut long solwara.

Katim dispela lesen na holim i stap. Bihain yu ken wokim buk long en. Planti moa bai kamap.



Strong Tru.

HUSKY DYNA

**Niupela trak bilong Toyota i save wok hat tru.
Yu laik karim kago o pasindia – long biktaun
o rot nogut long bus – dispela trak em inap.**

TOYOTA

BRANCHES
AT:

PORT MORESBY
25 4088

LAE
42 2322

MT. HAGEN
52 1888

ELA MOTORS LIMITED

MADANG
82 2188

RABAUL
92 1988

KIETA
95 6083

WEWAK
86 2255

GSP ET 013P

KLINIM TAUN

Dia Edita - Mi gat liklik wari olsem long filing bilong mi. Mi bin lukim Kimbe taun i no gutpela tumas long wanem long ol prais bilong ol samting i go antap tumas.

Na long olkain samting olsem ol plis i no save was gut long ol pipel taim ol i laik go insait long supamak. Ol i save stilim ol trausis na ol laplap. Long wanem prais bilong ol samting i go antap tumas. Long baim wanpela open lek na ol i tok em i kos long K17.50. Bai mi baim tasol mi no baim.

Long Rabaul o long ol arapela taun ol prais bilong ol samting i go daun. Tasol long Kimbe taun i olsem wanem. Na long lukluk bilong mi tu i go olsem Kimbe i no olsem taun. Planti rabis tru i stap nabaut long taun. Na dispela i no luk olsem taun. I luk olsem wanpela viles o ples bilong ol Simbu i doti nogut tru.

Lukluk bilong mi long Lae em i wanpela gutpela

taun tru. Na Kimbe i olsem ating em i no gat mani inap long wokim taun bai i bikpela olsem na doti nogut tru.

Em tasol liklik wari bilong mi.

Kleopas Henderson,
Kavui/Kimbe.

AUTIM WARI LONG YANGPELA MERI

Dia Edita - Nau mi laik autim wari bilong ol meri olsem. Olgeta meri ol i tingting hait tasol na wanpela meri namel long ol nem bilong em Mis Domabe Sanewi bilong Heldbach long Finschhafen i autim wari bilong em olsem. Long Wantok Niuspepa bilong mun Epril 1978. Na mi lukim.

Wari bilong em i go olsem. Bikpela pe olsem K600 na K500 long baim meri. Dispela pasin pikinini meri i no amamas long dispela. Long wanem dispela wari tasol save daunim ol yangpela meri na man na meri i stap nating na lapun. Na tingting nogut long ol papamama bilong ol. Na yangpela

meri i tok yes papamama long yangpela bilong yupela tingim olsem wanem long marit.

Yu tingting long maritim man kwik o nogat. Na maritim meri kwik o nogat. Yangpela meri tu i tingting i stap bipo yu tingting long en. Sori papa, mama, yu bagarapim tingting bilong mi yangpela man. Long wanem as tru yangpela meri i kisim sik gonoria. Mi no wari long kisim mani long raun raun nambaut na salim bodi. Na mi kisim gonoria.

Nogat. Papamama i wari long mani na pasim mi i stap na taim bilong marit bilong mi i pinis. Oraif mi mas i go long taun na mi kamap rot meri. Na mi givim hatwok long ol sista na dokta, na nes. Na ol i mekim semim mipela long bikpela haus sik.

Yangpela meri i no amamas long dispela pasin papamama i mekim. Ol kostim man long bikpela pe olsem K600 na K500 long ol man i wok long ol kampani o long taun. Olsem na plis papamama, yupela mas sori liklik long susa na brata na pikinini man. Yupela inap daunim pe i go daun liklik olsem K200 na K100.00.

Mi ting dispela mani em tu i bikpela pe tru ya. Kam Kampani save baim ol wokman long K60.00 o K50.00 long wanpela fotnait. Olsem na mi autim wari bilong mi long Wantok Niuspepa. Long wanem

taim mi no karim pikinini na papamama i givim bek mani bilong man o nogat. Taim papamama i sot long wanpela samting na askim tambu long helpim oi tu o nogat.

Olsem na papamama mas harim gut. Mi no pik o dok o bulmakau na katim na kaikai. Skin bilong ol man i no narakain na meri i narakain. Nogat. Yumi olgeta manmeri i wankain tasol. Yumi tok PNG i kristen kantri. Yumi tok olsem na kostim ol man long bikpela pe tumas. Em i no stret long ol yangpela manmeri. Husat brata na susa o meri wantok. Dispela wari mi autim i bilong yumi olgeta. Yu gat wanem kain tingting o wari, yu tu putim aut long Wantok Niuspepa na mi ken lukim.

Na husat i kliaim tingting bilong mi o laik skruim tok bilong mi. Yu ken putim tasol long Wantok Niuspepa. Em tasol wari bilong mi na susa ya Mis Domabe Sanewi. Oraif mi ken skruim toktok na wari bilong em na mi helpim liklik olsem na bel bilong mi i kol liklik.

Enjetbe Olefinge,
Amron/Madang.

GAVMAN MAS HELPIM

Dia Edita - Inap givim mi spes long putim wari bi-

long ol wantok na pren bilong mi long Kambramba viles. Em ol man i stap bihain long Kambramba ol i painim hat tru long kamdaun long Angoram taun na putim maket bilong ol.

Long wanem i gat wanpela kain plaua i kamap long olgeta liklik raunwara na baret na antap long bikbus tu. Taim ren i kamdispela plaua i save kamap na bihain tait i bringim i kamdaun na pasim baret long Kambramba.

Na dispela i givim hat long mipela i ken bringim maket i go long Angoram.

Nau mipela bai gat ol askim husat gavman memba i laik bekim em gutpela. Mipela bai amamas long lukim long Wantok Niuspepa.


Olsem wanem gavman i no save helpim mipela long painim wanpela saveman olsem Saiens bilong lukim dispela na wokim sampela marasin bilong kilim dispela plaua?

Sapos nogat, orait gavman i mas baim wokman bilong klinim o nogat?

Mipela 14 viles i stap bihain long Kambramba i gat dispela wari. Mipela i autim wari bilong mipela. Mipela i ting ol narapela 13 viles i gat wankain wari olsem mipela.

Baria Sindo,
Bobanten Viles/Is Sepik

**LIKLIK LEKTRIK BOKIS AIS.
EM I NAMBAWAN TRU
NA YU INAP BAIM
LONG BRIAN BELL, BOROKO.**



EM INAP LUKAUTIM
GUT KAIKAI BILONG YU.

Brian Bell & Co.
P.O. Box 1228, Boroko

Nem bilong yu

Adres

GSBB17

Brian Bell
TURUMU STREET BOROKO
TELEPHONE 25 5411

BAIM WANTOK

Sapos yu laik kisim Wantok niuspepa inap long wan yia (em i olsem 48 taims) , yu katim dispela tiket long sisis na yu salim i kam long mipela wantaim K8.00.

Nem bilong yu.

Adres bilong yu.

Salim sek o mani oda inap long K8 wantaim tiket i kam long :
WANTOK BOX 1982 BOROKO

Sapos yu bilong wanpela skul o misin o klap o grup na yu laik kisim moa olsem 10-pela Wantok olgeta wik, orait, yu rait i kam long mipela na mipela i gat spesel prais long dispela kain samting.

Prais bilong go long Australia: K14.50 na long Amerika na Yurop long sip em i K18.20 na long balus em i K24.00.


Kas bilong Mosbi

Poto i soim kain bas ol inap wokim long Port Moresby nau tasol. Ol i no mas baim long ol ausait kantri.

Niugini Motors (em ol i salim Isuzu trak) bai oda-im ol moto o ensin wantaim bikpela bun bilong trak. Ol arapela samting olsem skin na lait na sia na insait bilong bas, em bai ol i baim long Port Moresby stret, o ol wokman yet i wokim.

Pastaim ol hetman i ting, ol Papua Niugini i no gat inap save long wokim kain bikpela bas olsem. Tasol ol i bungim wanpela tim lokal saveman na ol i tren, na ol i bin wokim namba wan bas. Em i wan-kain olsem dispela yu lukim long poto. Em inap karim 75-pasindia, i gat gutpela sia insait, na tu ol i pilai musik insait long bas taim em i ran. Namba wan bas olsem bai go long Kieta long Not Solomons.

Kampani bai i wokim kain kain bas - smolpela na bikpela - bai ol i pas gut long ples na rot we em i mas ran na wok.



OLKAIN KLOK BILONG MAKIM TAIM BILONG WOKMAN



Hia em i lain kain kain spesel klok bilong makim taim ol wokman i kamap long wok na taim ol i lusim wok.


Em inap raitim daun tu taim bilong wan wan wok, na kauntim kos bilong dispela wok.

Klok i ran long lektrik pawa. Tasol em i gat bateri insait tu bilong mekim klok i ran gut sapos pawa i no kamap, o sapos pawa i ran kranki.

Ol dispela i strongpela masin ain, inap long stap longtaim moa. Ol i ken hangamap long banis, o sanap long tebol.

Yu ken kisim long

PNG Printers long Moresby, Lae, Rabaul.



WIN LONG STRONG

Massey Ferguson Trakta — i win long strong bilong em long olgeta hap bilong graun.

Long 182 kantri bilong graun, ol saveman
i baim-Massey-Ferguson trakta. Watpo?
Bikos ol i save pinis, dispela kain trakta i
redi olfaim long mekim strongpela wok.
Em i save wok hat tru, na em i isi long
lukautim. I gat planti kain kain trakta,
bilong olkain bikpela na smolpela wok.



Sapos yu tingting long
baim wanpela trakta,
mobeta yu go long Ela
Motors long hap bilong yu
na yu yet yu draivim na
traim dispela Massey-
Ferguson trakta pastaim.
Ating bai yu pilim em i
samting tru.

Yu wari long ol spea pat?
Yu wari long mekenik bilong
fiksime?
Yu no ken wari. Olgeta bisnisman
bilong PNG i save pinis, Ela
Motors i win long dispela kain wok
bilong lukautim olgeta ka na trak
na trakta em i salim.



ELA MOTORS LIMITED

Wheels for the nation

PT. MORESBY 254088	MT. HAGEN 521888	RABAU 921988	WEWAK 862255
LAE 422322	MADANG 822188	KIETA 956083	KIMBE 935115

GSEM 18

OL TESTAMEN STORI

God I Singautim Samyuel

1 Samyuel
1:1 - 3:17

HAP NAMBA WAN



HAUS SEL BILONG GOD I STAP LONG SAILO, NA ILAI I STAP HETPRIS. ILAI I LUKIM OLGETA MANMERI I KAM BETEN. WANPELA DE EM I LUKIM WANPELA MERI I BETEN I STAP, NA EM I KROS LONG MERI YA.

OLAMAN, EM I MEKIM OLSEM MERI I SPAK. EM I MEKIM NOGUT LONG GOD.

PLANTI HANDET YIA I GO PINIS BTHAIN LONG OL ISREL I SINDAUN LONG KANTRI KENAN. TASOL PLANTI TAIM OL I BIN LUSIM GOD NA OL I LOTU LONG OL GOD GIAMAN. OLSEM NA KANTRI BILONG OL I NO SAVE SANAP STRONG. KLOSTU OL I STAP SLEV BILONG OL FILISTIA. SAMPELA I TING GOD I LUSIM TINGTING LONG OL NA I NO LAIK STRONGIM OL ISREL.

BUK BILONG SAMYUEL I STAT OLSEM.



EM I TOK KROS LONG MERI NA TOK EM I SPAKMERI.

NOGAT TRU. MI NO SPAK. MI BELHEVI TASOL. OLSEM NA MI PREA STRONG LONG GOD. MI NO PREA LONG MAUS, MI PREA LONG BEL TASOL.

Used by permission of the David C. Cook Foundation. Copyright 1973, David C. Cook Publishing Co. All rights reserved.

WANTOK SPOT PES



YU INAP PAINIM OL WANTOK?

Long poto antap long lephan Wes i pilai wantaim Rigo long Murry Barraks. Tau Boga bilong Rigo (Rigo tim) i kalap long kisim bol. Jerry Linge bilong W.N.B. (Wes tim) i was long em. Wes (11-13-79 poin) winim Rigo (10-10-6-66 poin).

Poto antap long raithan i soim Defens pilai wantaim Abau long Waigani. Joseph Boi bilong Sentral (Rigo tim) spid i go. Ol arapela man long piksa kirap long lephan i go long raithan bai yu lukim Vilo Illo bilong Marshal Lagoon (Abau tim) P. Fabila bilong Sentral (Defens); Mado Veratu bilong Rigo (Abau) na Joseph Boi. Abau i winim Defens 36-6 poin.

Poto long lephan yu lukim Abau i holim try K. Sawefa bilong Kainantu (Defens tim). Terry Havana na Silas Gebedi pasim Sawefa stret.